



Na osnovu člana 45. Zakona o porezu na dohodak („Službeni glasnik Brčko distrikta Bosne i Hercegovine”, broj: 60/10 i 14/17) i člana 12. Zakona o Direkciji za finansije Brčko distrikta Bosne i Hercegovine („Službeni glasnik Brčko distrikta Bosne i Hercegovine”, broj: 19/07, 35/17 i 3/19), direktor Direkcije za finansije Brčko distrikta Bosne i Hercegovine d o n o s i

PRAVILNIK O IZMJENAMA PRAVILNIKA O PRIMJENI ZAKONA O POREZU NA DOHODAK

Član 1.

U Pravilniku o primjeni Zakona o porezu na dohodak („Službeni glasnik Brčko distrikta Bosne i Hercegovine “, broj: 6/11, 32/14 i 51/18) član 48. mijenja se i glasi:

„Član 48.

(Utvrdjivanje poreza na dohodak od obrtničke djelatnosti i djelatnosti srodnih obrtničkim djelatnostima u paušalnom iznosu)

(1) Poreznom obvezniku koji obavlja samostalnu djelatnost može se odobriti plaćanje poreza na dohodak u paušalnom iznosu pod uslovima propisanim članom 32. Zakona, ako ispunjava jedan od sljedećih kriterija:

- a) ako obavlja tradicionalne stare zanate,
- b) ako obavlja kućnu radinost,
- c) ako obavlja prevozniku djelatnost samo jednim prevoznim sredstvom.

(2) Obveznik koji obavlja djelatnosti iz stava (1) ovog člana, a želi da plaća porez na dohodak u paušalnom iznosu, dužan je Poreznoj upravi podnijeti zahtjev za utvrđivanje mjesečnog paušalnog poreza uz dokaz o ispunjavanju propisanih kriterija i to do kraja tekuće godine za naredni period oporezivanja.

(3) Porezna uprava dužna je u roku od 30 dana od dana podnošenja zahtjeva iz stava (2) ovog člana donijeti rješenje i obavijestiti podnosioca zahtjeva da li može porez na dohodak plaćati u paušalnom iznosu ili prema odredbama člana 20. Zakona.

(4) Pod tradicionalnim starim zanatima iz stava (1) tačka a) ovog člana podrazumijevaju se:

- a) kovačko-potkivačke radnje,
- b) popravka šivaćih i drugih mašina koje se koriste u tradicionalnim zanatima,
- c) popravka obuće,

- d) popravka satova,
- e) mljevenje žitarica na tradicionalan način,
- f) popravka radio i TV prijemnika,
- g) krojačke radnje,
- h) izrada grnčarije,
- i) prikupljanje i prodaja sekundarnih sirovina,
- j) prodaja upotrebljavanih stvari,
- k) priprema i prodaja pečenih, kuhanih i na druge načine pripremljenih prehrambenih proizvoda koja se obavlja bez stalnog poslovnog mjesta i to na ulici, sportskim i drugim slobodnim prostorima,
- l) sakupljanje šumskog voća, gljiva i ljekovitih trava.

(5) Pod kućnom radinošću iz stava (1) tačka b) ovog člana podrazumijevaju se djelatnosti koje se obavljaju u domaćinstvu ili preko udruženja, kao što su:

- a) izrada goblena, heklanih ručnih radova i ručno pletenih odjevnih predmeta,
- b) ručno izrađena imitacija nakita,
- c) proizvodi „narodne medicine“ – narodnih travara,
- d) pletenje predmeta od pruća,
- e) proizvodnja meda, pekmeza, sušenih proizvoda i sirćeta,
- f) pravljenje rezanaca, kora i drugih sličnih proizvoda,
- g) pravljenje kolača, bombona i drugih sličnih proizvoda,
- h) usluge dorade proizvoda za registrovana lica npr. lijepljenje ili ušivanje dijela obuće ili odjeće,
- i) vađenje jezgre iz oraha i drugog koštunjavog voća.

(6) Paušalno plaćanje poreza odobrava se ako porezni obveznik samostalnu djelatnost obavlja sam ili s najviše jednim zaposlenim.“

Član 2.

U članu 49. stav (1) tačka c) riječi: „osam tona 70,00 KM” zamjenjuju se riječima: „deset tona 80,00 KM”.

Član 3.

Ovaj pravilnik stupa na snagu prvog narednog dana od dana objavljivanja u „Službenom glasniku Brčko distrikta Bosne i Hercegovine“.

Broj: 02-04.1-836/19

Datum: 16.12.2019. godine

DIREKTOR DIREKCIJE ZA FINANSIJE

Mato Lučić, dipl. ecc.